



Universitätsbibliothek Paderborn

**Isagoge Sive Introductio Ad Vitæ Spiritualis
Perfectionem, Omnibus tam Regularibus, quām Clericis
Sæcularibus, Confessariis, Concionatoribus, & Animarum
Pastoribus perquām utilis, & specialiter ...**

Herlet, Johann Georg

Sulzbaci, Anno MDC.XCIII.

§. 14. Medium septimum ad puritatem & teneritudinem conscientiæ
obtinendam est custodia visūs & oculorum.

urn:nbn:de:hbz:466:1-37853

Medium septimum ad puritatem & teneritudinem conscientiae obtainendam est custodia visus & oculorum.

97. **N**Otissimum est illud Philosophorum dogma: *Nihil est in intellectu, quod non fuerit prius in aliquo sensu*; sive nihil cognoscit intellectus noster modo ordinario & naturali, cuius non prius species per sensum aliquem externum introierint, & transmissæ sint ad sensum internum materialem; ad quarum similitudinem postea intellectus format species & imagines spirituales, idem objectum repræsentantes. Unde patet, quantâ sollicitudine & circumspectio ne custodiendi sint quinque sensus externi, *Vitus, Auditus, Gustus, Tactus, & Odoratus*. Quia per quinque sensus quasi per quosdam fenestræ vitiorum ad animam introitus est. Non potest ante Metropolis & arx mentis capi, nisi per portas ejus irruerit hostilis exercitus. Horum sensuum perturbationibus anima prægravatur, & capitur, *Aspectu, Auditu, Odoratu, Sapore, Tactus*: ut inquit S. Hieronymus lib. 2. contra Jovinian. c. 7. De hac custodiâ sensuum extenorū intelligitur illud. *Proverb. 4. Omni custodiâ serva cor tuum*. Non enim sufficientet & omni custodiâ conservatur, quamdiu portæ & aditus ad cor non custodiuntur: sicut ait S. Gregorius lib. 21. moralium. cap. 2. *Nobis ad custodiendam cordis munditiam exteriorum quoque sensuum disciplina*

na

na servanda est. Et S. Basilius in Reg. fus. interrogat. 6. Illud evitandum, nè oculis auribusve instigationes ad peccatum admittamus; nevè eorum rerum, quas vel viderimus, vel audiverimus, impressæ pestilentes in animis nostris formæ ac veluti nota quædam insideant. Item lib. de verâ virginitate. Obstruendus est primus per sensus satelliti carnis ingressus; sensusq; ipsi ut janue, ac fenestræ cordis, seris ac vectibus undiq; firmandi atq; muniendi, nè per aliquem illorum, versutus ascendens, mortem, quæ contubernalis ejus est, secum unâ introducat: mors enim, inquit, ascendit per fenestras; reverâ enim sensus fenestræ animæ sunt.

98. Ac imprimis custodiendus & cohibendus est visus; sicut monet idem S. Doctor citato libro de vera Virginit. dicens: Non oculorum acies ad omnia passim inspicienda visibilia pandenda est: nè omnem quoq; figurarum atq; formarum speciem sine discretionis examine hauriens; ad eorum postea turbetur imagines. Et S. Ephrem de vitâ spirit. Cum è cellula tuâ negotii cuiuspiam, aut conveniendi alicujus gratia discedis; oculos tuos muni, & animum piis cogitationibus insti-
tue, sic illum alloquens: egressus es, non tanquam pictor, ut hominum formas effingas, atq; exprimas. Maxima autem cautio est adhibenda, nè oculi jaciantur in rem aliquam, quæ castitati periculum creare, & phantasmatibus impuris occasiōnem quovis modo præbere possit. Atque hinc avertendus est visus imprimis à fæminis & personis alterius sexus: oculi enim sunt princi-

pium amoris, & turpis cupiditatis, juxta Pla-
 tonem. Si nescis, oculi sunt in amore duces; ca-
 nit Poeta. Quia Rex David à longè etiam vedit
 mulierem se lavantem, incidit in adulterium
 2. Reg. 11. De longè vedit illam, in quā captus
 est: mulier longè; libido propè; inquit S. Augusti-
 nus in Psalm. 50. Uxor Putipharis injecit oculos
 suos in Joseph, qui erat pulchra facie, & decorus
 aspectu. Propter quod non solum ipsa gravissi-
 mum scelus in mente concepit; verum etiam
 castissimum juvenem ad idem patrandum solli-
 citavit. Genes. 39. De Judith viduā & matronā
 sanctissimā, legitur cap. 8. quod fuerit tantæ con-
 tinentiæ, ut non esset etiam ex malevolis, qui
 loqueretur de illâ verbum malum. Quoniam
 timebat Deum valde. Nihilominus quia Holo-
 fernes conjecterat oculos suos in illam ante se
 stantem, cor ejus concussum est; erat enim ar-
 dens in concupiscentia ejus. Unde post caput ip-
 sius amputatum canit Judith. c. 16. Non cecidit
 potens à juvenibus; nec filii Titan percosserunt
 eum; nec excelsi gigantes opposuerunt se illi: Sed
 Judith filia Merari in specie faciei sue dissolvit
 eum; Sandalia ejus rapuerunt oculos ejus; pul-
 chritudo ejus captivam fecit animam ejus. Simi-
 liter de duobus senibus (ne quis putaret, in solis
 juvenibus esse hoc periculum) & Judicibus po-
 puli testatur Scriptura Daniel. 13. Quod pro-
 pter curiosum castissimæ Susannæ aspectum ex-
 arserunt in concupiscentiam ejus; Quia scilicet
 videbant eam quotidiè ingredientem, & deam-
 bulantem. In quem Scripturæ locum Cornelius

a La-

à Lapide ait, se ex fœmina quâdam audivisse, quod viri Religiosi summo studio carere sibi debeant à mulierum congressu & aspectu ; nullum enim esse virum tam sanctum, quem ipsa pervertere & in quamcunque partem vellet, inclinare non confidat, si is tantum per quadrantem horæ cum ipsâ colloquatur, & aliquoties aspectum suum in ipsius oculos defigat. Meritò igitur Poeta exclamat:

*O oculi, scopuli potius, Syrtesque vocandi
Heu quibus allisæ tot periæ rates!*

Meritò etiam Sanctus vir Job pepigit fædus cum oculis suis, ut nè cogitaret quidem de virgine. Visum enim sequitur cogitatio, cogitationem delectatio, delectationem consensus, consensum opus, opus consuetudo, consuetudinaria necessitas, necessitatem desperatio, desperationem damnatio ; ut inquit in dictum locum Jobi glossa. Et S Orionius Episcopus tom. 5. part. 3. Biblioth. SS. Patrum:

*Congressus præstat visum : mox lumina visu
Concipiunt flamas ; parturiuntque nefas,
Ergo puellares formas, vultusque decentes
Aut verso, aut mero despicies capite.*

Ea siquidem est phantasix & intellectus nostri cum oculis & potentia visiva conjunctio seu vicinitas, ut haec statim quod accepit & hausit, illis duabus potentias internis transmittat, & communicet, sive bonum, sive malum. Potentiae vero internae imagines & species rerum visarum non tam facile iterum deponunt, sed eas pertinaciter retinent, ac in penum memoriae recordant; ut datâ occasione eas promere exinde possint. Unde S. Basilius serm. d. Abdicat. Cave, curiosus sis; neq; ita videre omnia volueris: ne ex ea visione postea in animum libidinum sanies redundet. Et lib. de verâ Virginit. jactis luminibus radiis homo veluti quibusdam incorporeis manibus, quæcumq; voluerit, eminus tangit; & qua corporeis manibus attingere in potestate non habet, ea oculorum jactibus complectens, per eas, quas impressit animo, formas corpus omne ad injectas imagines voluptatis astibus jactat. Nam cum haustræ luminibus forme obtutus defixerit, atque in animâ voluptate molitâ cere adinstar, conspectæ speciei imagines prefferit, quamvis ille abeat, seorsimque sit, qui hujusmodi formas impressit, insignita animo conspecti species, quod suum est, semper operatur, animamq; imaginibus ludit. Nec sane quicquam proderit, corpus servare incorruptum, cum anima ad injectas sibi per aspectum corporalis amoris illecebras vitiatur: Nam incorporeis manibus hunc iugiter, quem amat, amplectens, insitum medulitus animo secum semper & ubiq; circumfert; & qua corporaliter exequi, ne deprehendatur, erubet-

erubescit, ea perpetrare cogitatione non metuit.
 Si igitur aspectus adeo perniciosa ignis materia efficitur; audiamus monentem Scripturam, ac dicentem: oculi tui recta videant, & palpebra innuant iusta: Neq; te palpebrae rapiant; neq; capiatis oculis tuis. Quodsi tactus quidam est, oculorum ad corpora jactus; Sicuti cum in eos, qui morbo tenentur, oculorum obtutus diutius figimus, morbi ipsius confortes efficimur: ita profecto & cum voluptatis indicis injicimus oculos, animus voluptatis morbo fit saucius. Dux & prævius ac pronubus oculorum jactus est ejus, cuius manus ministre sunt tractus. Et S. Hieronymus Epist. ad Rustic. Monachum: matrem ita vide, ne per illam alias videre cogaris, quarum vultus cordituo hæreant, & taeium vivat pedore vulnus. De Abbe Paulino scribit Cassianus collat. 7. c. 27. Quod is tantum sollicitudine oculos suos custodierit, ut nec vestem muliebrem aspicere voluerit. St. Theodorus vero Studita in testamento suo cavit, ne fratres juventum aliquod sceminei sexus monasterio alerent: ne scilicet per illius aspectum turpibus phantasii daretur occasio.

99. Secundò cohendens est vijsus ab aspectu puerorum & adolescentium tenerorum atque imberbium; sicut monet S. Basilius serm. de Abdicat, dicens: Juvenis sive etate, sive animo fueris aquilum tuorum consuetudinem defugito. Quoties vero talis aliquis aut tecum loquitur, aut ex adverso in conspectu psallit; dejecto in humum vultu, tu illi respondes: ne forte interim,

Q 4 dum

dum tñ illius oculis contueris, suscepito
ab hoste malorum satore libidinis semine corrup-
tionis postea ac perditionis manipulos metas. Ra-
tionem dat Idem S. Doctor serm. 2. de Institut.
Monachor. quia plerumq; in adolescentum corpo-
ribus, tametsi summoperè continentia macerare
se studeant, nescio quomodo naturalis etati illi
coloris quasi decor quidam efflorescit; in quem
cui inspicerint, it libidinum plerumq; stimulis
solent permoveri.

100. Tertio cavendus est aspectus sive spe-
ctatio comœdiarum profanarum, chorearum,
& imaginum minus honeste & decenter picta-
rum, aut sculptarum: in quibus dum artifices
volunt exprimere ac spectatoribus ostendere
suam peritiam, plerumque oculis & animis in-
tuentium ponunt offendiculum. Unde Inno-
centius Papa. IV. in Concilio Lugdunensi Anno
1245. in Bullâ, quæ incipit Sedis Apostolice, Man-
davit districte, ut pictura, quæ sunt Religioni & ho-
nestati contraria, aut in se habent materiam va-
nitatis, in domibus Religiōsi Ordinis nullatenus
habeantur; deletis penitus illis, quæ fuerunt ha-
bēnus in eisdem.

101. Quartò vitandus est pro possibili omnis a-
specto, non necessari⁹ proprii corporis, non solum
quoad eas partes, quas pudor & honestas velari
jubent, verū etiam quoad cœteras, v.g. ma-
nus, pedes, faciem in speculo &c. Paulatim
enim hæc otiosa & curiosa sui ipsius in partibus
honestis contemplatio viam aperit, & cogitatio-
nes suggerit ad spectanda ac perpetranda, quæ
honestas prohibet.

15. Me-